

CCR/Ra/Ca

Data Rexistro: 07/07/2025 14:29:19
Nº Rexistro: 2025000753

SAIDA

MINUTA

Na sesión ordinaria do Pleno da Corporación Provincial, do día 27 de xuño de 2025, formuláronse os seguintes rogos ou preguntas pola Sra. Deputada Ana Laura Iglesias González:

15.8444.- **ROGOS E PREGUNTAS**

Sr. Presidente.- Ten a palabra Ana Laura Iglesias, do Grupo Socialista.

Sra. Iglesias González.- Si, Sr. Presidente, máis que un rogo é unha pregunta, é que no anterior Pleno fixemos este grupo provincial, eu mesma, tres preguntas das que unicamente se contestou *in voce* no Pleno pasado a primeira, pero non recibimos contestación das outras dúas, entón, segundo o regulamento do Pleno, no que se di, e voulle citar textualmente “que as preguntas expostas oralmente no transcurso dunha sesión serán xeralmente contestadas polo seu destinatario na sesión seguinte, sen prexuízo de que o preguntado queira darlle resposta de xeito inmediato”. Entón, queríamos solicitar que nos contestaran a estas dúas preguntas.

Sr. Presidente.- Pois, non habendo ningún rogo nin ningunha pregunta máis, damos por finalizado ... O caso é o de responder, senón a resposta en voz ao instante pois son respostadas de xeito escrito. ¿Algunha pregunta máis? Vale. Bueno, ¿vostede fixo un rogo, non?, ¿unha pregunta?. Bueno, pois, ¿algunha pregunta máis? Eu, o público non ten turno de palabra. A ver, a ver, a ver, eu agradezo que estean aquí outro día máis, pero tamén agradezo que non pase o que pasou da última vez, que respecten os formalismos, as legalidades que hai aquí, non por armar alboroto, se ten máis ou menos razón, aquí estamos tendo lugar, está tendo lugar un Pleno onde hai un turno de rogos e preguntas onde lle corresponde realizalo aos diversos grupos. ¿Ten algunha pregunta máis?

Sra. Iglesias González.- Si, grazas, Presidente. Mire, chegados a este punto quería solicitarlle ao Secretario que se pronuncie sobre o feito que está, que estou expoñendo, e que, segundo o regulamento, o deputado, ou deputada ou ben o Presidente, ten obrigación de contestar as preguntas que se fixeron na sesión anterior na seguinte sesión, segundo consta nos regulamentos. Gustaríame que o Secretario, se pode aclararnos este punto, para poder senón formular as miñas preguntas.

Sr. Presidente.- Non quedou nunca en dous anos ningunha pregunta sen resposta.



Sra. Iglesias González.- Pero non a teño.

Sr. Presidente.- E vostede, a resposta é que si é de voz ...

Sra. Iglesias González.- Pero non lle estou interpelando a vostede, estoulle interpelando ao Secretario.

Sr. Presidente.- ... e non conseguira ou non quixera, pois é o seu problema. ¿Ten algunha pregunta máis? Damos este tema por zanzado.

Sra. Iglesias González.- Si, pero perdoe, no, no, é que estou interpelando ao Secretario, creo que o Secretario.

Sr. Presidente.- As preguntas van dirixidas á Presidencia, non ...

Sra. Iglesias González.- Non é a pregunta, estou interpelando ó Secretario, para que, por favor, si me pode por favor o secretario, contestar neste punto.

Sr. Presidente.- ¿Ten algunha pregunta, se non damos por finalizado, a maiores, damos por finalizado o Pleno, ou algún rogo? ¿Ten algunha pregunta?

Sra. Iglesias González.- Si teño.

Sr. Presidente.- Pois fágaa.

Sra. Iglesias González.- Pero é, pode, por favor, o Secretario, contestarme, é que estou interpelando ao Secretario, e gustaríame que o Secretario me puidera contestar.

Sr. Presidente.- É que vostede deu a lectura dun artigo que ...

Sra. Iglesias González.- É que está no regulamento, e non lle estou dicindo outra cousa. Se me pode, por favor, o Secretario contestar a este, a esta dúbida que me xurde no Pleno para antes poder, para antes de poder seguir facendo as miñas preguntas. Perdón, é que non ten o micrófono e non lle escoito Secretario.

Sr. Presidente.- Ten a palabra o Secretario.

Sr. Secretario.- Si, eso dice el Reglamento, pero, si no están contestadas, pues es una irregularidad que, que hay que subsanar, cuando, cuanto, cuanto antes.

Sr. Presidente.- Ou contestadas de voz viva, ¿vale? ¿Algunha pregunta máis?



Sra. Iglesias González.- ¿Pero van a subsanala agora ou non?, me pregunto, quero dicir, si o Regulamento recolle que teñen que estar contestadas na seguinte sesión ordinaria, que é hoxe ...

Sr. Presidente.- Non dude que cumprimos en todo momento pois o establecido no regulamento que regula, neste caso a celebración do Pleno.

Sra. Iglesias González.- Pois entón, vou a formular as preguntas entón, e as miñas preguntas van referidas a facer as dúas preguntas que non nos contestaron no pleno anterior.

A primeira é cando teñen pensado recibir ás veciñas e ós veciños que forman parte da plataforma pola mellora da EP-2702, que xa llo teñen solicitado en diversas ocasións, e, como vemos, non teñen intención de recibilas?.

Sr. Presidente.- ¿Cal é a pregunta, a ver?

Sra. Iglesias González.- Esa, xa a formulei.

Sr. Presidente.- A pregunta, vale, pois limítese ...

Sra. Iglesias González.- Xa a formulei.

Sr. Presidente.- Isto non é algo da nosa colleita, senón de vostedes cando gobernaban. ¿Lémbranse daqueles Plenos?

Sra. Iglesias González.- Pero é que acabo de facerlle a pregunta, ¿que máis quere que lle faga? ¿Quere que lla volva a reformular?

Sr. Presidente.- Ben, non, seguinte pregunta.

Sra. Iglesias González.- Segunda pregunta: ¿que prazos manexa a Deputación de Pontevedra para a redacción dos seguintes tramos da mellora da EP-2702, xa que o proxecto actual unicamente contempla un quilómetro de toda esta estrada?.

Sr. Presidente.- Ben, ¿algunha pregunta máis?

Sra. Iglesias González.- Si, a terceira, temos tres. Si, ¿pensa o Presidente da Deputación seguir e dar cumprimento ao Regulamento do Pleno onde claramente se



recolle que as preguntas que se formulen por parte dos grupos aquí presentes teñen que ser contestadas no Pleno seguinte?

Sr. Presidente.- ¿Algúnha pregunta máis?, ¿algún rogo? Damos entón por finalizada esta sesión ordinaria. Moi bo día a todos e a todas.

O que lle comunico a Vde. para o seu coñecemento e efectos, coa salvidade que establece o art. 206 do RD 2568/86, de 28 de novembro.

Pontevedra, a 7 de xullo de 2025

O Secretario

(Asinado dixitalmente na data que figura á marxe)

Firmado por: CARLOS MANUEL CUADRADO ROMAY - ***0684**
Cargo: Secretario
Data: 07/07/2025 11:56

D^a Ana Laura Iglesias González.- Central.- Secretario.- Presidencia.- Montserrat Otero Oitavén
(Coordinadora de Réxime Interno) (por correo electrónico).-

Pleno ordinario 27-xuño-2025

4



Preguntas efectuadas pola voceira do Grupo Provincial do PSdeG-PSOE, Dona Ana Laura Iglesias González, na sesión ordinaria do pleno da Deputación de Pontevedra celebrada o día 27 de xuño de 2025:

1ª PREGUNTA:

Cando teñen pensando recibir ás veciñas e ós veciños que forman parte da plataforma pola mellora da EP-2702, que xa llo teñen solicitado en diversas ocasións e, como vemos, non teñen intención de recibilas?

RESPOSTA:

A Deputación mantén sempre unha actitude de diálogo e escoita activa coa veciñanza, tamén no caso das persoas que integran a plataforma pola mellora da EP-2702. De feito, teñen recibido información sobre este asunto por distintas vías, tanto formais como informais, como ten acontecido con motivo da súa asistencia como público aos plenos desta institución.

A transparencia e a comunicación coa cidadanía son principios fundamentais da actuación deste goberno provincial e forman parte do noso compromiso co diálogo e coa participación cidadá.

2ª PREGUNTA:

¿Que prazos manexa a Deputación de Pontevedra para a redacción dos seguintes tramos da mellora da EP-2702, xa que o proxecto actual unicamente contempla un quilómetro de toda esta estrada?

RESPOSTA:

A diferenza do que acontecía co anterior goberno provincial, conformado polo PSdeG-PSOE e o BNG, en tan só dous anos este goberno foi quen de impulsar e poñer en marcha a primeira fase da mellora da EP-2702, unha actuación que está previsto licitar no último trimestre deste ano.

É intención deste goberno continuar desenvolvendo as seguintes fases da mellora aplicando os mesmos criterios que se seguen noutras actuacións en estradas provinciais que, polas súas dimensións, deben executarse por fases.



3ª PREGUNTA:

¿Pensa o Presidente da Deputación seguir e dar cumprimento ao Regulamento do Pleno onde claramente se recolle que as preguntas que se formulen por parte dos grupos aquí presentes teñen que ser contestadas no Pleno seguinte?

RESPOSTA:

Por suposto.

Nada ten que ver esta Deputación coa actitude que amosan noutros Concellos gobernados polo PSdeG-PSOE, onde é habitual que as preguntas da oposición nin sequera se respondan. Aquí actúase con rigor institucional, respecto á oposición e co compromiso de garantir a transparencia e o bo funcionamento democrático desta institución.

Asinado dixitalmente.

Firmado por: ***2878** LUIS LOPEZ (R: P3600000H)
Cargo: Presidente
Data: 31/07/2025 11:24

